



欽定續通志卷三百三十二

列傳

宋三十六

邊肅

梅詢

馬元方

薛田

寇瑊

楊日嚴

李行簡

章頻

陳琰

李宥

鄭向

郭稹

趙賀

高覲

袁抗

陟

徐起

張旨

齊廓

鄭驤

王臻

魚周詢

賈黯

李京

呂景初

馬遵

吳及

范師道

李絢

何中立

沈邈

邊肅字安國應天府楚邱人進士及第除大理評事知
於潛縣累遷太常博士三司使魏羽薦爲戶部判官祀
南郊超薦尙書度支員外郎帝以三司鉤取無法至道
初置行帳司以會財用之數命肅主之帳成遷工部郎
中出知曹州徙邢州會契丹大入先是地屢震城堞摧

圯無守備帝在澶州密詔肅若州不可守聽便宜南保
他城肅匿詔不發督丁壯乘城而鬪諸門悉所部兵陣
以待之騎傳城下肅與戰小勝契丹莫測也居三日引
去時鎮魏深趙磁洺六州閉壁不出老幼趨城者肅悉
開門納之擢樞密直學士徙宣州車駕朝陵徙河南府
還句當三班院出知天雄軍徙鎮定府累遷給事中
以王嗣宗代肅嗣宗與肅有舊隙諷通判東方慶訟肅
前在州私以公錢貿易規利遣吏彊市民羊買女口自
入嗣宗上其事帝以肅近臣不欲屬吏遣劉綜任中正以

章示之肅引伏以守城功止奪三官貶岳州團練副使
久之徙武昌安遠軍節度副使起知光州以泰寧軍節
度副使徙泗州又徙泰州卒子調終尙書兵部員外郎
福建路轉運使

梅詢字昌言宣州宣城人少好學有辭辨進士及第爲
利豐監判官後以祕書省著作佐郎御史臺推勘官預
考進士於崇政殿眞宗過殿廬奇其占對詳敏召試中
書除集賢院李繼遷攻靈州急吳淑上書請遣使諭秦
隴以西諸戎使攻繼遷詢亦請以朔方授潘羅支使自

攻取帝問誰可使羅支者詢請行

按東都事略云真宗問誰可使羅支者詢

請行真宗惜之不欲使蹈兵間詢曰苟活靈州而

未至

罷西兵何惜一梅詢真宗壯其言因遣使羅支

而靈州陷還爲三司戶部判官詢自以爲遇主知屢上

書論西北事時契丹數侵河北詢請遣大臣臨邊督戰

募遊手擊賊又論曹瑋馬知節才可用傅潛楊瓊敗當

誅田紹斌王榮等可責其效以贖過凡數十事其言甚

壯帝欲命知制誥李沆力言其險薄望輕不可用後斷

田訟失實降通判杭州知蘇州就徙兩浙轉運副使判

三司開拆司坐議天書出知濠州爲湖北轉運使以擅

假驛馬與人降通判襄州知鄂州徙蘇州爲陝西轉運使坐薦舉朱能貶懷州團練副使又以善寇準徙池州起知廣德軍厯楚壽陝州復直集賢院累擢翰林侍讀學士累給事中知審官院仁宗御邇英閣讀正說養民篇覽厯代戶口登耗之數顧謂侍臣曰今天下民籍幾何詢對曰先帝所作蓋述前代帝王恭儉有節則戶口充羨賦斂無藝則版圖衰減炳然在目作鑒後王自五代之季生齒彫耗太祖受命太宗眞宗休養百姓天下戶口之數蓋倍於前矣因詔三司及編修院檢閱以聞

病足出知許州卒故事侍讀學士無出外者天禧中張知白罷參知政事領此職始出知大名府非厯二府而出者自詢始詢性卞急好進然數爲朝廷言兵在濠州夢人告曰呂丞相至矣旣而呂夷簡通判州事故待之甚厚其後援詢於廢斥中以至貴顯夷簡力也

馬元方字景山濮州鄆城人父應圖嘗知頓邱縣太宗攻幽州應圖部芻糧沒軍中元方去髮爲浮屠間行求父屍不得訴於朝帝憫之爲官其兄元吉元方淳化三年進士及第爲韋城縣主簿改大理評事知萬年縣

諸將討李繼遷關輔轉餉踰瀚海多失亡獨元方所部全十九以勞遷本寺丞爲御史臺推勘官遷殿中丞戶部使陳恕奏爲判官元方言方春民貧請預貸庫錢至夏秋令以絹輸官行之公私果便因下其法諸路知徐州改太常博士梓州路轉運使後知鄆州量括收地數千頃爲京東轉運副使遷轉運使按部至濮州被酒毆知州蔣信降知宿州徙滑州爲京西轉運使知應天府累遷太常少卿擢右諫議大夫權三司使公事衆論不以爲允眞宗謂宰臣曰元方在三司何多謗也王旦曰

元方盡心營職然其性卞急且不納僚屬議而醜言詆之所以賈怨帝曰僚屬顧不有賢俊邪歲餘以煩苛罷進給事中權知開封府以樞密直學士知并州留再任詔中書諭以委屬之意官至兵部侍郎卒

辟田字希稷河中河東人少師事种放與魏野友善進士起家丹州推官李允正知延州辟爲從事向敏中薦其才改著作佐郎知中江縣累遷侍御史益州路轉運使民間以鐵錢重私爲券以便交易謂之交子而富家專之數致爭訟田請置交子務以權其出入未報及寇

城守益州卒奏用其議蜀人便之

按李攸宋朝事實云始益州豪民十餘萬

戶連保作交子亦有詐僞者知府事諫議大夫寇瑊奏

乞下益州更不得似日前置交子鋪詔轉運使張若谷

知益州辭田同定奪聞奏請廢私交子官中置造乃置

交子務其後三司使田況奏請不許秦州借支疏內尚

稱自天聖元年辟田擘劃興置益州交子云云則是寇

瑊所請乃是禁私交子而交子務之置實用田議也與

宋史稱田請置交子務未報及累擢樞密直學士知益

寇瑊守益州卒奏用其議互異

州代還知審刑院羌人內寇特遷右諫議大夫知延州

久之以疾徙同州又徙永興軍辭不行卒田性頗和厚

初以幹敏數爲大臣所稱後屢更任使所治無赫赫名

寇瑊字次公汝州臨汝人擢進士授蓬州軍事推官李

順餘黨謝才盛等復起爲盜賊設方略擒送京師徙開
封推官會施州蠻叛轉運使移城權領施州先是戍兵
仰他州餽糧賊至請募人入米償以鹽軍食遂足復招
諭高州刺史田彥伊子承寶入朝得給印紙爲高州官
族未幾溪南蠻復內寇賊率眾擒其酋領戮之就除大
理寺丞知開州遷殿中丞通判河南府坐解送諸料失
實降監晉州稅以太常博士通判并州改監察御史遷
殿中侍御史爲開封府判官嘗奏事帝詢施州備禦之
術因諭之曰東川控蠻夷爾功已試其爲朕鎮撫之命

爲梓州路轉運使晏州多剛縣酋斗望劫瀘州

按宋史地理志

晏州本羈縻州熙寧八年始置洊州監隸瀘州凡羈縻州止載州名而不及縣故多剛縣不入於志

燒洊

井監殺官吏城趨富順監命部兵多張旗幟踰山西北
趨戎州盡取公私舟載糧甲具音樂合兩路兵至江安
誘溪監順史箇松南廣移悅等州刺史及八姓烏蠻首
領使斷賊徑帝遣內殿崇班王懷信議攻討招輯之宜
城奏蠻人嘗於二年春燒洊井監殺吏民旣赦貸其罪
復來寇邊若不討除則戎瀘資榮富順監諸蠻競起爲
邊害矣詔發陝西兵益以白芳子弟合六千三百人緣

涓井溪轉鬪凡十一陣破之蠻眾相率來附納牛羊銅鼓器械甚眾而斗望猶旅拒不從城命懷信分兵拔其柵與都巡檢使符承順進戰思晏江口斗望等始驚遽勢稍却明日復分三道來拒王師懷信等格戰城乘其後大破之斗望眾萬餘囂不能軍溺死者眾遂降因籍其勇悍者千人分五都以隸禁軍爲寧遠指揮使守涓井監更建砦柵濬三濠以環之就加侍御史召爲三司鹽鐵判官逾月出爲河北轉運使天禧中河決澶淵城視役河上隄墊數里眾皆奔潰而城獨留自若須臾水

爲卻去眾異之遷工部郎中上言契丹約和以來河北
減戍卒之半而復刺士兵其實益三分之一塞下軍儲
不給請行入中鑿頭便糴三說之法入爲三司度支副
使未幾以右諫議大夫集賢院學士知益州仁宗卽位
遷給事中瑊與丁謂厚善帝謂輔臣曰瑊有更幹毋深
譴也徙鄧州坐失舉降少府監知金州復右諫議大夫
會河決徙知滑州總領修河旣而以歲饑罷役瑊言病
民者特槌芻耳幸調率已集若積之經年則朽腐爲棄
物後復興工斂之是重困也乃再詔塞河河平擢樞密

直學士明年復給事中知秦州又坐失舉奪一官召權
三司使復其官如故時有議茶法者帝訪以利害瑛曰
議者未知其要爾河北入中兵食皆仰給於商旅若官
盡其利則商旅不行而邊民困於餽運茶法豈可以數
更帝然之權知開封府天聖末再使契丹未行而卒瑛
少孤鞠於祖母王氏及登朝以妻封邑同授之朝臣得
同封祖母自瑛始

楊日嚴字垂訓河南人進士及第試祕書省校書郎知
安邱縣通判毫陳二州知襄州徙廬鄆二州入爲開封

府判官使契丹還爲兩浙轉運副使未行會青徐饑改
京東轉運使因請江淮陝西轉粟五十萬賑貧民又開
清河八十里抵暖水河並堤起倉廩便漕運以右諫議
大夫集賢院學士知河中府加樞密直學士知益州時
用兵伐元昊三司急財用有詔析戶版爲十等第賦役
民以歲租占佃官田廬者高其估募輸錢就市爲己業
人苦其擾又陝西奏收市益梓利諸路溪洞馬而不知
其實無馬也日嚴皆奏罷之遷句當三班院知通進銀
臺司聞後爲守者其政不便蜀人因進對從容言遠方